



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Galeoti Martii Narniensis De Homine Libri Dvo

Galeottus <Martius>

Basileae, 1517

Mammae

**urn:nbn:de:hbz:466:1-31834**

Octipedis frustra quærentur brachia cancri.

Brachia igitur hominis inuersa retroque pendētia, cancrorum brachia prefigurant. Hæc igitur ex influxu & potestate sua, illius animantis nomen gesserunt, cuius in apotelesmate representant similitudinē. nam omnibus animaduersis nullum in terris animal omnimodam gerens potestatem, signis cælestibus cōparabitur, nisi id cuius nomē gerit. Sed latius uagati sumus quæ opus esset, ad institutum igitur nostrum reuertamur. a proposito enim nostro est alienum, signorum nomina excutere. Sed alias dicendum de hac re cetero, cum Astrologiam, ad latinitatem reuocabimus. est enim nobis in animo cum absoluerimus comentarios in Vergilium: scribere in Astrologia, & barbariē qua omnes fere astrologi nunc imbuti sunt, penitus delere, docereque omnes, latinā linguam non indigere in omni disciplinarum genere barbaris uocabulis.

## MAMMAE

Mammæ



**I**N pectore ut dixim⁹ mammæ sunt. Iuuenalis,

Et nuda teneat uenabula mamma.

Et in moreto

Pectora lata tument mammis.

Mamma

Licet mamma dicatur plerumque nutrix. Persius,

Et iratus mammæ, lallare recusas.

Plautus in Mustellaria. & quid tibi uideor mamma. Idem in eodem. tun uis mea mamma adesse. māmæ uero pro uberibus ab antiquitate uocatæ sunt. Martialis primo.

Tata.

Mammas atque tatas habet Afra, sed ipsa tatarum

Dici, & mammaram maximā mamma potest,

intelligendo

intelligēdo Taram quoq; nutricem significare. A mamma Tata.  
mammilla diminutiuum, Iuuenalis, Māmilla

Recta facie strictisq; mammillis.

Dicitur etiam papilla ob quandam similitudinē. Est enim Papilla:  
papilla, illud quasi tuberculum quod lactentes pueri ore ca-  
piunt, papilla dicta quasi parua papula. Et ideo saepe papil-  
la p tuberculo, morbo, & cōdylomate reperit. Q. Serenus.

Excruciant turpes anum si forte papillæ.

Id est, parua papulæ. Vergilius undecimo,

Hæst. Catullus, Hasta super dextram donec perlata papillam

Hæst. Catullus,

En hæc in roseis latent papillis.

pro tuberculo mammarum. Sed olim mamma rumen uo- Rumen :

cabatur. Plinius quintodecimo naturalis historiae. Quoniã

sub ea inuenta est lupa infantibus præbens rumen, ita uoca-

bant mammam. Sed superius diximus rumen partem gut-

turis dici. Vnde rumino descendit, quod ratione non caret. Rumino

nam rumen mamma quasi sumen dicitur. Sumen autē est Sumen,

uber a sugendo, ut inferius cum de interiore homine dice-

mus, late patebit. S, em̄ & R, inuicem sibi cedunt. Vnde ru-

stici, ut ait Festus, hædos adhuc lactentes subrumos dicunt. Subrumi

A papilla expapillatus dicitur, teste Nonio, qui allegat Plauti Expapil-

textum in Milite glorioso, Expapillato brachio, pro usq; ad latus,

papillam nu dato.

ALAE



ALAE sub humeris sunt & in homine uestiuntur Ala.

pilo. Plinius undecimo naturalis historiae. qd'

titillatu maxime intelligit alarū, quas subit, non

f 3 alibi